



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-32-2-1097-4/13

Datum: 06.06.2013. godine

Na osnovu člana 30. Statuta Općine Tešanj ("Službeni glasnik Općine Tešanj, broj:11/07) a u skladu sa članom 26. Zakona o popisu stanovništva, domaćinstava i stanova u Bosni i Hercegovini 2013. godine ("Službeni glasnik BiH", broj: 10/12, 18/13), Općinski načelnik objavljuje

**JAVNI OGLAS
za prijavu kandidata za članove Popisne komisije Općine Tešanj**

Ovim oglasom Općinski načelnik poziva sve zainteresovane kandidate da se prijave za učešće u radu Popisne komisije Općine Tešanj a u okviru Popisa stanovništva, domaćinstava i stanova u Bosni i Hercegovini 2013. godine.

Zainteresovani kandidati za članove Popisne komisije Općine Tešanj su dužni da prijavu izvrše na propisanom obrascu "Prijava kandidata za člana popisne komisije lokalne samouprave" u Prijemnoj kancelariji Općine Tešanj (br. 21), na adresi: Trg Alije Izetbegovića br. 11. Prijave za sudjelovanje u radu Komisije će se zaprimati do 11.06.2013. godine u vremenu od 7,30 do 16,00 sati.

Popisnu komisiju Općine Tešanj čini predsjednik i četiri člana: 2 Bošnjaka, 1 Hrvat, 1 Srbin i 1 član iz reda ostalih (potpisano izjašnjenje o etničkoj/nacionalnoj pripadnosti na Prijavi), s tim da je zaposlenik službe za geodetske, imovinsko-pravne poslove i katastar obavezni član Komisije.

Popisna komisija Općine Tešanj obavlja slijedeće poslove:

- rukovodi pripremama, organizacijom i provođenjem Popisa na teritoriji općine;
- vrši izbor i imenovanje instruktora i popisivača za područje općine;
- obavještava stanovništvo o značaju Popisa, načinu i vremenu njegovog provođenja, o pravima i dužnostima građana i načinu izvršavanja obaveza u Popisu;
- brine o pravilnoj primjeni metodoloških i organizacionih uputstava;
- preuzima štampani popisni materijal i dijeli ga instruktorima, koji ga dalje distribuišu popisivačima;
- osiguravaju prostorije i uvjete za provođenje obuke općinskih instruktora i popisivača;
- provodi nadzor nad radom instruktora i ostalih učesnika u Popisu;
- izdaje propisana ovlaštenja za rad učesnicima u popisu;
- preduzima mjere koje garantuju kompletan obuhvat jedinica Popisa;
- preuzima popisni materijal od instruktora, organizuje i kontroliše obuhvat i kvalitet popisnog materijala;
- osigurava skladištenje popisnog materijala uz ispunjenje propisanih sigurnosnih mjera i uvjeta određenih Zakonom o zaštiti ličnih podataka;
- organizuje prijevoz i pravovremeno dostavljanje popisnog materijala na mjesto unosa;
- priprema obračun troškova nastalih za pripremu i provođenje Popisa u skladu sa instrukcijama.

Za svoj rad Popisna komisija odgovara Kantonalnoj popisnoj komisiji i Federalnom zavodu za statistiku.

Uvjeti koje kandidat za Popisnu komisiju Općine Tešanj treba ispunjavati:

- da je državljanin BiH;
- da ima najmanje 18 godina na dan kada aplicira (punoljetno lice);
- da se protiv kandidata ne vodi krivični postupak;
- dokaz o stručnoj spremi (srednja 4-godišnja, viša ili visoka škola);
- dokaz za osobe koje se prijavljuju kao zaposlenici službe za geodetske, imovinsko-pravne poslove i katastar;
- dokaz o radnom iskustvu;
- ovjerena kopija lične karte;

Istinitost i vjerodostojnost navedenih podataka (za koje se ne traže dokazi) potvrđuju se vlastoručnim potpisom na Prijavi.

Nakon zatvaranja javnog oglasa Konkursna komisija će Općinskom vijeću podnijeti pisani izvještaj, sa relevantnim podacima za svako lice koje je podnijelo zahtjev po javnom oglasu. U navedenom izvještaju konkursna komisija će izvršiti klasifikaciju kandidata na one koji ispunjavaju uvjete tražene javnim oglasom i na one koji ne ispunjavaju uvjete. Uz izvještaj konkursna komisija dostavlja listu kandidata koji ispunjavaju uvjete javnog oglasa.

Općinsko vijeće će shodno članu 14. tačka 18. Statuta, sa rang liste izabrati kandidate i donijeti odluku o imenovanju Popisne komisije Općine Tešanj. Općinsko vijeće, nakon imenovanja Popisne komisije Općine Tešanj dostavlja Federalnom zavodu za statistiku, Agenciji za statistiku BiH i Centralnom popisnom birou odluku o imenovanju Popisne komisije uz propisanu dokumentaciju. Centralni popisni biro razmatra dostavljenu listu i daje mišljenje o proceduri izbora i sastavu Popisne komisije Općine Tešanj.

Kandidati koji ne budu izabrani imaju pravo žalbe Općinskom vijeću Tešanj shodno članu 80. Statuta.

Kandidati koji budu izabrani za članove Popisne komisije Općine Tešanj će do 18.07.2013. godine potpisati ugovor i izjavu o zaštiti povjerljivih podataka. Izabrani kandidati prolaze dvodnevnu instruktažu 6 i 7.09.2013. godine. Instruktažu će obaviti entitetski instruktori.

Mandat (period rada) članova Popisne komisije traje do kraja oktobra 2013. godine. Sredstva za finansiranje rada Popisne komisije osiguravaju se u skladu sa instrukcijama.

NAPOMENA: Svi kandidati su dužni u cjelosti popuniti prijavni obrazac. Ukoliko se utvrdi da podaci nisu tačni, kandidat se isključuje iz daljih aktivnosti Popisa.

Dostavljeno:

1. Oglasne ploče Općine,
2. web
3. a/a

OPĆINSKI NAČELNIK

Mr.Sc. Suad Huskić, profesor